

«ТАСДИҚЛАНГАН»
«Туронбанк» АТБ Кенгашининг
2022 йил «25 » февраль даги
Ж-14-сонли Қарори

«МАЪҚУЛЛАНГАН»
«Туронбанк» АТБ Бошқарувининг
2022 йил «23 » февраль даги
16/7-сонли Қарори

№ 933

«Туронбанк» АТБ ходимларининг коррупциявий хатти-харакатлари ва одоб-аҳлоқ қоидаларини бузиш ҳолатлари устидан хизмат текширувлари ўтказиш бўйича РЕГЛАМЕНТ

I. Умумий қоидалар

1. Мазкур Регламент “Туронбанк” АТБ (кейинги ўринларда – Банк) ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий ҳужжатларини бузилишига нисбатан хизмат текширувини (кейинги ўринларда – Хизмат текшируви) ўтказиши белгиловчи ички идоравий ҳужжати ҳисобланади.

2. Мазкур Регламент қўйидаги мақсадларда ишлаб чиқилган:

Банкда Хизмат текшируви ўтказишга ягона ёндашувни белгилаш;

Хизмат текшируви ўтказиш жараёни ва натижаларини ҳужжатлаштириш талабларини белгилаш;

Банкда қоидабузарликлар содир этиш, унга зиён етказишга олиб келадиган сабаб ва шартларни аниқлаш ва бартараф қилиш;

Банкда қабул қилинган ички ҳужжатлар ва назорат таомилларидағи камчиликларни аниқлаш ва келгусидаги қоидабузарликларга йўл қўймаслик мақсадида уларни бартараф қилиш бўйича тавсияларни ишлаб чиқиши;

Банк ва унинг ходимларининг қўлланилаётган қонунчилик талабларини бузганлик учун жавобгарликка тортилиши хавфини камайтириш.

3. Хизмат текшируvida иштирок этаётган Банк ходимларига ушбу Регламент билан ўрнатилган талабларга риоя қилиниши учун шахсий жавобгарлик юклатилади.

4. Банкдаги Хизмат текшируви қўйидаги тамойиллар асосида ўтказилади:
қонунийлик;

Банк ходимларининг хуқук, эркинликлари ва қонуний манфаатларига риоя қилиш; фуқаролар хуқук ва эркинликларини таъминлаш ва ҳимоя қилиш;

Хизмат текшируви ўтказища олинган ахборот ва материалларнинг конфиденциаллиги;

Банк ходимлари томонидан Хизмат текшируви ўтказишдаги шаффоффик, ҳалоллик, коллегиаллик, бетарафлик ва холислик;

Хизмат текшируви олиб борилаётган банк ходимнинг айбиззлик презумпцияси.

II. Хизмат текширувни тайинлаш

5. Хизмат текшируви банк ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий ҳужжатларининг бузилганлиги тўғрисидаги асосли маълумотлар мавжуд бўлганда тайинланади.

6. Бундай маълумотлар қўйидаги манбалардан келиши мумкин:

Банк ходимларининг ёзма ёки оғзаки шаклдаги бевосита раҳбари ёки бошқа ваколатли шахсга берган маълумоти;

жисмоний ва юридик шахсларнинг банкнинг алоқа каналларига юборган хабарлари, шу жумладан, аноним хабарлар;

жисмоний ва юридик шахсларнинг мурожаатлари;

оммавий ахборот воситаларидағи, шунингдек, ижтимоий тармоқлардаги маълумотлар;

ўтказилган сўровнома, шу жумладан, ижтимоий ва статистик тадқиқотлар натижалари бўйича олинган маълумотлар;

ички аудит ва молиявий назорат бўлинмалари, шунингдек, давлат молиявий назорат органлари ва Ўзбекистон Республикаси Ҳисоб палатасининг хулосалари;

Комплаенс назорат департаменти томонидан коррупцияга қарши ички талаблар мониторинги ва уларга риоя қилиш устидан назорат натижалари;

Ўзбекистон Республикаси Президенти, Вазирлар Маҳкамаси ва давлат хокимиётининг бошқа органларининг топшириқлари;

Бошқа каналлар орқали келиб тушган коррупциявий характердаги хабарлар.

7. Қуйидагилар Хизмат текшируви ташаббускорлари бўла олади:

Банк бошқарув Раиси ва унинг ўринбосарлари;

филиаллар раҳбарлари ва уларнинг ўринбосарлари;

Банкнинг Одоб-аҳлоқ комиссияси;

Комплаенс назорат департаменти (коррупцияга қарши курашишга масъул) ходимлари (худудий менеджерлар);

Банкнинг ички аудит ва молиявий назоратга жавобгар таркибий бўлинмаси раҳбари;

Банкнинг Юридик хизмати раҳбари;

Банкнинг Ходимлар билан ишлаш департаменти раҳбари;

Банкнинг Хавфсизлик ва ахборотларни муҳофаза қилиш бошқармаси бошлиғи.

8. Коррупциявий хатти-харакатлар тўғрисида мазкур Регламентнинг 6-бандида кўрсатилган манбалардан келиб тушган ҳар қандай маълумотга нисбатан Комплаенс назорат департаменти Хизмат текшируви ўтказиш учун етарли асос ва маълумотлар мавжудлиги, шунингдек, келиб тушган маълумотнинг банк ходимларига алоқаси бор-йўқлигини аниқлаш нуқтаи назаридан дастлабки текширув ва таҳлил қилишни амалга оширадилар.

9. Бунда устидан Хизмат текшируви ўтказилиши мумкин бўлган ёки манфаатлар тўқнашуви мавжуд бўлган ходимларни дастлабки текширув жараёнига жалб қилиш тақиқланади.

10. Дастлабки текширув тегишли маълумот келиб тушган кундан бошлаб 10 (үн) кундан ортиқ бўлмаган муддатда ўтказилади.

11. Дастлабки текширув Хизмат текшируви ҳисобланмайди.

12. Агар дастлабки текширув натижалари бўйича банкга алоқадор бўлган қоидабузарлик содир этилгани, содир этилиши мумкин бўлгани ёки содир этилаётганини таҳмин қилишга асос борлиги аниқланса, у ҳолда Комплаенс назорат департаменти директори банк Бошқарув Раиси ёки банкнинг филиаллари раҳбари номига ёзма хизмат хабарини жўнатади.

13. Агар Хизмат текшируви банкнинг бош банк ва унинг филиаллари (худудий ва таркибий бўлинмалари раҳбари ёки унинг ўринбосарларига нисбатан тайинланган бўлса) раҳбарлари ёки унинг ўринбосарларига нисбатан тайинланган бўлса, хизмат хабари банк Бошқарув Раисининг номига ёзилади.

14. Агар Хизмат текшируви Банк Бошқарув Раиси ёки унинг ўринбосарларига нисбатан тайинланган бўлса, (Ўзбекистон Республикаси қонунчилиги ва Банкнинг ички хужжатларида кўзда тутилган коррупциявий хатти-харакатлар, шу жумладан манфаатлар

тўқнашувини яширишга оид ҳолатларини содир этганликда гумон қилинган ҳолларда) у ҳолда тегишли маълумотлар Комплаенс назорат департаменти томонидан ўрнатилган тартибда Ўзбекистон Республикаси ҳукуқни муҳофаза қилиш органларига юборилади.

15. Банк ёки филиал раҳбари хизмат хабари олинган кундан бошлаб 3 (уч) иш кунида Хизмат текшируви ўтказиш ёки ўтказмаслик тўғрисида қарор (буйруқ) қабул қиласди.

16. Банк ёки филиал раҳбари хизмат хабарига асосан тегишли материалларни Ўзбекистон Республикаси ҳукуқни муҳофаза қилиш органларига Хизмат текшируви ўтказмасдан тақдим этиш тўғрисида қарор қабул қилиши мумкин.

17. Хизмат текшируви ўтказиш тўғрисида қарор қабул қилиш билан бир вақтда Банк ёки филиал раҳбари Хизмат текшируви ўтказиш бўйича ишчи гурух раҳбарини тайинлайди ва унга ишчи гурух таркибини шакллантиришни ва хизмат текширувни ўтказиш тўғрисида буйруқ тайёрлаш вазифасини топширади.

18. Хизмат текшируви ўтказиш тўғрисидаги буйруқда қуидагилар кўрсатилади:

Хизмат текшируви предмети (мавзуси);

Хизмат текшируви ўтказилишига асос бўлган сабаб ёки вазият;

Хизмат текшируви ўтказишга сабаб бўлган қоидабузарликни содир этишда гумонланаётган ходим (лар), у (лар)нинг ФИШ ва лавозими (бўлинма, бўлим) номи) маълум бўлса;

Хизмат текширувини ўтказиш учун маъсул бўлган ишчи гурух таркиби;

Ишчи гурух аъзолари ва раҳбарининг ҳукуқ ва мажбуриятлари;

Хизмат текширувини ўтказиш ва натижаларни тақдим этиш муддати.

19. Хизмат текшируви ўтказиш тўғрисидаги буйруқ лойиҳаси банк ёки филиал раҳбарига имзолаш учун Хизмат текшируви ўтказиш тўғрисидаги қарор қабул қилинган санадан бошлаб 3 кун ичидан тақдим этилиши керак.

III. Хизмат текшируви ўтказиш бўйича ишчи гурух тузиш

20. Хизмат текширувини ўтказиш бўйича ишчи гурух таркиби, Ишчи гурух раҳбари таклифига асосан тузилади, қоида тариқасида унга комплаенс назорат (худудий менеджерлари), ходимлар билан ишлаш, юридик хизмат, ички аудит ва молиявий назорат, хавфсизлик ва ахборотларни муҳофаза қилиш бўлинмалари ҳамда лавозим мажбурияти Хизмат текшируви предмети бўлган ёки шунга яқин бўлган бошқа бўлинмалар ходимлари киритилиши мумкин.

21. Банк филиаллари томонидан ташкил этилган ишчи гурух таркибига Бош банк ходимлари киритилиши мумкин.

22. Қуидаги ходимлар ишчи гурух таркибига киритилмайди:

Хизмат текшируви ўтказилаётган ходимнинг яқин қариндошлари;

Хизмат текшируви ўтказилаётган ходимнинг бевосита бўйсинувидаги ходим;

Хизмат текшируви ўтказилаётган ходимнинг бевосита раҳбари (банкнинг худудий ва таркибий бўлинма раҳбари бундан мустасно);

Хизмат текшируви ўтказилаётган йўналишни бошқараётган филиал ва таркибий бўлинма раҳбарининг ўринбосарлари;

текширув якунидан бевосита ёки билвосита манфаатдор эканлиги ҳақида гумон (масалан бирга таълим олган, бир худуддан бўлган, ишқий муносабатларда, хизмат текшируви ўтказилаётган ходим билан ошкора зиддиятга эга ва ҳок.) бўлган бошқа ходимлар.

23. Ишчи гурухни шакллантириш учун маъсулият ишчи гурух раҳбари зиммасида бўлади. У мазкур Регламентнинг 22-бандида кўрсатилган потенциал манфаатлар тўқнашуви ҳолати мавжудлиги бўйича гурух аъзоларини текшириши шарт.

IV. Хизмат текшируванинің үтказиши

24. Хизмат текшируви тегишли буйруқ имзолаган санадан бошлаб 30 кундан ортиқ бўлмаган муддатда үтказилиши керак.

25. Агар Хизмат текшируви жараёнида 24-бандда кўрсатилган муддатларнинг узайишига олиб келадиган қўшимча тартиб-таомиллар (шу жумладан, ходимлар ва бошқа шахслар орасида қўшимча сўровнома үтказиши, қўшимча хужжатларни сўраб олиш талаб этилса, у ҳолда ишчи гурух раҳбари бу ҳақда маълум бўлиши билан мажбурий тартибда, Хизмат текшируви тўғрисидаги буйруқни имзолаган раҳбарни хабардор қиласи). Бундай ҳолатларда, Хизмат текшируванині үтказиш муддатлари 30 (ўттиз) календарь кунидан ортиқ бўлмаган муддатга узайтирилиши мумкин.

26. Устидан Хизмат текшируви үтказилаётган ходим йўқ бўлган ҳолда (таътил, касаллик, хизмат сафари ва бошқалар), у вақтинча тўхтатилади, унинг муддати эса автоматик тарзда ушбу ходим йўқ бўлган даврга узайтирилади.

Агар ходим 30 (ўттиз) календарь кунидан ортиқ муддатга йўқ бўлган ёки Хизмат текшируvida иштирок этишдан бошқа усул билан бош тортган ҳолда, Хизмат текшируви Бош банк ёки филиаллар раҳбари билан келишган ҳолда ходимнинг иштирокисиз үтказилиши мумкин ва ушбу ҳолат Хизмат текшируви натижаларида қайд этилади.

27. Устидан Хизмат текшируви үтказилаётган ходимга, ишчи гурух раҳбарининг тавсиясига асосан Бош банк ёки филиаллар раҳбари буйруғи билан маълум бир ахборот тизимлари, муайян хужжатлардан фойдаланишга чеклов қўйилиши мумкин. Ушбу ҳолатда қабул қилинган буйруқ ҳақида, устидан хизмат текшируви үтказилаётган ходим, ўша куниёқ буйруқка имзо чектирилган ҳолда таништирилади. Буйруқ билан танишиш рад этилган ҳолда бу ҳақида ишчи гурух раҳбари томонидан далолатнома тузилади.

28. Ходимга нисбатан маълум бир ахборот тизимлари, муайян хужжатлардан фойдаланишга чеклов қўйишга оид буйруқ Хизмат текшируви үтказишнинг муддатидан ортиқ бўлмаслиги керак.

V. Хизмат текшируванинің үтказиши давомида ўрганиладиган маълумотлар

29. Хизмат текшируванинің үтказиши давомида ишчи гурух коидабузарликка алоқадор бўлган маълумотларни тўплаш, таҳлил қилиш ва хужжатлаштириш ишларини амалга оширади, шу жумладан:

коидабузарлик, уни содир этиш сабаблари нимада акс этади;

Коидалари бузилган Ўзбекистон Республикаси қонунчилиги ва банкнинг ички идоравий хужжатлари талаблари;

Коидабузарликни содир этиш вақти, жойи, усули;

Коидабузарликни содир этишга жалб қилинган шахслар доираси (банк ходимлари билан бир қаторда учинчи шахслар ҳам);

коидабузарликнинг оғирлик даражаси;

Банкга етказилган моддий ва номоддий, обрў-эътибор характеристидаги заарнинг кўриниши ва кўлами;

Коидабузарликни содир этишга алоқадор бўлиши мумкин бўлган бошқа маълумотлар.

30. Хизмат текшируванинің үтказиши давомида олинадиган маълумотлар манбаси кўйидагилар бўлиши мумкин:

устидан Хизмат текшируви үтказилаётган ходим, банкнинг бошқа ходимлари, учинчи шахсларнинг ёзма ёки оғзаки тушунтиришлари;

тасдиқловчи хужжатлар (ёзма ва электрон шаклда);

интернет тармоғининг оммавий тизимида жойланган ахборот манбаларининг маълумотлари;

аудиоёзувлар, фото- ва видеосъемкалар;

қоидабузарликка алоқадор бўлган бошқа материаллар.

31. Юкорида санаб ўтилган барча, шу жумладан конфиденциал маълумотлар ишчи гуруҳ томонидан банкда қабул қилинган барча таомилларни қўллаган ҳолда, шунингдек, банкнинг ички ҳужжатлари ва Ўзбекистон Республикаси қонунчилигига мувофиқ олиниши ва фойдаланилиши керак.

32. Банк ходимлари ёки жалб этилган бошқа шахслар билан ўтказилган сұхбат жараёни аудио ёки видео қайд қилиниши, сұхбат тўғрисида баённома тузилиши керак (аудио ёки видео қайд Хизмат текшируви материалларига қўшиб қўйилади).

Аудио ва видео қайдни амалга оширишдан олдин сұхбат ўтказилаётган шахснинг розилиги олинади. Розилик берилмаса аудио ва видео қайдни амалга оширувчи ускуналардан фойдаланишга йўл қўйилмайди.

33. Устидан хизмат текшируви ўтказилаётган ёки бошқа ходимнинг сұхбат ёки тушунтириш беришдан бош тортилган ҳолларда ушбу Регламентнинг 1-иловасига мос шаклда далолатнома расмийлаштирилади.

34. Ишчи гуруҳ раҳбари мазкур ходимни далолатнома билан танишганлигини тасдиқлаш учун унга имзо қўйиши зарурлиги тўғрисида хабардор қиласи. Агар ходим ҳужжатга имзо қўйишдан бош тортса, у ҳолда ишчи гуруҳ раҳбари ҳужжатга тегишли белги қўяди.

35. Устидан текширув ўтказилаётган ходим томонидан далолатномага (ёки бошқа ҳужжатларга) имзо қўймаслик унга нисбатан тегишли жавобгарлик чорасини қўллашдан озод қилмайди.

VI. Ишчи гуруҳ раҳбари ва аъзоларининг ҳуқуқ ва мажбуриятлари

36. Ишчи гуруҳ раҳбари Хизмат текширувининг самарадорлиги ва натижаси, шунингдек, ишчи гуруҳ аъзоларининг мазкур Регламент билан белгиланган талабларга амал қилишлари учун маъсул бўлади.

37. Хизмат текшируви ўтказиши давомида ишчи гуруҳ раҳбари қўидаги вазифаларни амалга оширади:

Хизмат текшируви ўтказишининг йўналишлари, амалга ошириладиган тадбирларни белгилайди, ишчи гуруҳ аъзолари олдига вазифалар қўяди;

Ишчи гуруҳ томонидан Хизмат текшируви ўтказилишини ташкиллаштиради ва мувофиқлаштиради;

Ишчи гуруҳ томонидан Хизмат текширувининг ушбу Регламентга мувофиқ равишда ўтказилишини назорат қиласи;

сұхбат ўтказиши, тушунтириш талаб қилиб олиш зарур бўлган ходимлар рўйхатини тузади;

Хизмат текширувни холис ва самарали ўтказиши учун зарур бўлган чоралар кўрилишини таъминлайди (масалан, Банкдаги маълумотларни йўқ қилиш жараёнларини тўхтатиб туришни талаб қиласи, тегишли ходимларга нисбатан текширув ўтказилаётган даврда маълум бир ахборот тизимлари, муайян ҳужжатлардан фойдаланишга чеклов қўйишини тавсия қиласи, зарурият туғилганда текширувни ўтказишининг максимал муддатларини узайтириш бўйича таклиф тайёрлайди ва бошқалар.);

Банк ва филиаллар раҳбарига Хизмат текшируви натижаларининг тақдим этилишини таъминлайди.

38. Хизмат текширувни ўтказища ишчи гуруҳ раҳбари ва аъзолари қўидаги ҳуқуқларга эга:

Банк ходимлари билан сұхбат ўтказиши, тушунтириш хати олиш, текширув мөхияти түғрисида маълумотта эга бўлиши мумкин бўлган учинчи шахслар, шунингдек, ташқи экспертларни уларнинг розилиги билан Хизмат текшируви жараёнига таклиф қилиш. Учинчи шахслар ва ташқи экспертларни жалб қилиш масаласи банк ва филиаллари раҳбари билан келишилиши шарт;

сұхбатни ёзма шаклда ёки зарурият туғилганда тушунтириш бераётган шахснинг розилиги билан аудио ва видеоқайд этувчи ускуналар қўллаш билан қайд этишни амалга ошириш;

Банк ходимларидан Хизмат текширувига алоқадор бўлиши мумкин бўлган материалларни олиш;

Банкнинг мулкининг бус-бутунлигини хатлов ва тафтишдан ўтказиши;

Ўтказилаётган Хизмат текшируви доирасида ўз лавозим мажбуриятларини бажариш учун фото- ва видеоқайдларни амалга ошириш.

39. Ишчи гуруҳ раҳбари ва аъзолари мажбуриятлари:

Хизмат текширувани ўтказишида ушбу Регламент, банкнинг бошқа ички хужжатлари ва Ўзбекистон Республикаси қонунчилиги талабларига амал қилиш;

Хизмат текшируви мөхияти бўйича мавжуд барча материалларни тўплаш;

Хизмат текшируви мақсадлари учун аҳамиятга эга бўлган маълумотларнинг (хужжатлар, электрон маълумотлар ва б.) бутлигини сақлаш бўйича чоралар кўриш;

мазкур Регламент, Банкнинг бошқа ички хужжатлари ва Ўзбекистон Республикаси қонунчилигига кўзда тутилган ҳолатлардан ташқари Хизмат текшируви ўтказиши доирасида олинган маълумотларнинг мутлақо конфиденциаллигини сақлаш ва ошкор қилмаслик;

мазкур Регламент талабларига мувофиқ равишда текширув натижаларини расмийлаштириш, шу жумладан, жавобгарлик чоралари, шунингдек, қоидабузарлик сабаблари ва қоидабузарликни содир этишга туртки бўлган шартларни бартараф қилиш имконини берадиган чораларни қўллаш бўйича таклифлар ишлаб чиқиши.

VII. Устидан Хизмат текшируви ўтказилаётган ходимларнинг хуқуқлари

40. Устидан Хизмат текшируви ўтказилаётган ходим қўйидаги хуқуқларга эга:

Хизмат текшируви ўтказиши факти түғрисида хабардор бўлиш;

қоидабузарликнинг содир этилиши сабаблари ва шароитлари, Хизмат текшируванинг бориши хақида ўз фикр-мулоҳазаларини ифодалаш хуқуқи билан ёзма ва оғзаки тушунтиришлар бериш, шунингдек, унинг тушунтиришларини тасдиқлаши мумкин бўлган исбот-далилларни тақдим этиш;

Тушунтиришлар тақдим этишдан бош тортиш – бу ҳолда ушбу Регламентнинг 33-бандида кўзда тутилган далолатнома тузилади;

ўзи томонидан тақдим этилган, ўтказилаётган Хизмат текшируви, Хизмат текшируви материалларига алоқадор бўлган хужжат ва материалларга қўшиб қўйишни талаб қилиш;

Хизмат текшируви тугаганлиги түғрисидаги хабарни олиш ва бундай хабар олингандан кейин 2 (икки) кун ичida Хизмат текшируви маълумотномасининг унга тегишли қисми билан у тасдиқланишига қадар танишиши (у фойдаланиши ва ўз мулоҳазаларини қўшиб қўйиш хуқуқига эга бўлмаган конфиденциал ахборотдан ташқари);

Хизмат текшируви натижаларидан, шу жумладан, ишчи гуруҳ томонидан текширув якунлари бўйича таклиф этилган жавобгарлик чорасидан норози бўлган

тақдирда ушбу қарор устидан банк раҳбариға ёки юқори турувчи идораларга шикоят қилиш.

VIII. Хизмат текшируванинің үтказишга жалб қилинадиган бошқа ходимларнинг хуқуқ ва мажбуриятлари

41. Хизмат текшируванинің үтказишга жалб қилинадиган ходимлар Хизмат текшируванинің үтказишида ишчи гурухға ҳар томонлама күмак бериш, шу жумладан, Хизмат текшируви бўйича талаб қилинган тушунтиришлар, маълумот ва хужжатларни беришлари, ишчи гурух аъзолари томонидан ташкил этиладиган сұхбатла иштирок этишлари шарт.

42. Хизмат текшируванинің үтказишга жалб қилинаётган ходимлар уларнинг текширувда иштирок этишлари сабабли уларга маълум бўлган Хизмат текшируви маълумотларини ошкор қилишга хақли эмаслар.

43. Хизмат текшируванинің үтказишга жалб қилинаётган ходимлар қўйидаги хукуқларга эга:

Ўзлари ва яқин қариндошларга қарши гувоҳлик бермаслик;

Банк Бошқарув Раисига ишчи гурух раҳбари ва аъзоларининг харакатлари (харакатсизлиги) устидан шикоят қилиш.

IX. Хизмат текшируви натижаларини расмийлаштириш

44. Хизмат текшируви натижалари бўйича ишчи гурух раҳбари, унинг барча аъзолари, Хизмат текшируви үтказилаётган ходим томонидан имзоланадиган маълумотнома тузилади.

45. Маълумотнома мазкур Регламентга 2-иловага мувофиқ шаклда тузилиб, кириш, баён, хулоса ва таклиф қисмидан иборат бўлади.

46. Маълумотнома ёки унинг алоҳида бандларидан норози бўлган, ишчи гурух аъзоси шунингдек устидан Хизмат текшируви үтказилаётган шахс ёзма равища расмийлаштирилган ва ишга тиркалган ҳолда фикрда эканлигини билдирган белги билан маълумотномага имзо қўйиши мумкин.

47. Устидан Хизмат текшируви үтказилаётган шахс маълумотномага имзо қўйишдан бош тортган ҳолларда далолотнома расмийлаштирилади. Ушбу далолотномага ишчи гурух аъзоларидан ташқари, Хизмат текшируви натижаларидан манфаатдор бўлмаган камида икки нафар шахс имзо қўйиши лозим.

48. Маълумотномага асосан Бошқарув Раиси ёки унинг ўринбосарлари ҳамда филиаллари раҳбари қўйидаги қарорларни қабул қилиши мумкин:

қоидабузарлик тўғрисидаги маълумот тасдиқламаганлиги муносабати билан Хизмат текшируви тўхтатиш;

сабаблар ва муддатлари кўрсатилган ҳолда Хизмат текшируви материалларини қўшимча ишлаш учун, зарурият туғилганда эса – ишчи гурух таркибини ўзгартириш учун қайтариш;

айбдор ходимни интизомий жавобгарликка тортиш;

ходимга нисбатан огоҳлантириш, профилактик характердаги чораларни қўллаш;

келгусида шу каби қоидабузарликлар содир бўлишининг олдини олиш бўйича тегишли чора-тадбирларни ишлаб чиқиш;

хуқуқбузарлик ёки жиноят аломатлари тасдиқланган ҳолда, тегишли материалларни хуқуқни муҳофаза қилиш органларига тақдим этиш.

49. Хизмат текшируви натижалари тўғрисидаги маълумотнома Комплаенс назорат департаментига ва Ходимлар билан ишлаш департаментига тақдим этилади.

50. Хизмат текшируви ўтказилишига сабаб бўлган маълумот ҳақида хабар берган шахслар қоидабузарлик тасдиқлангани ёки тасдиқланмагани, шунингдек кўрилган чоралар ҳақида умумий тарзда хабардор қилинади.

XI. Хизмат текширувига оид хужжатларни сақлаш ва улардан фойдаланиш

51. Хизмат текшируvida иштирок этажтан Банк ходимлари текшируv давомида уларга маълум бўлган ахборотнинг конфиденциаллигини таъминлайдилар (Ўзбекистон Республикаси қонунчилигига кўзда тутилган ҳолатлар бундан мустасно).

52. Ўтказилган Хизмат текшируви доирасидаги маълумотлардан ваколатли фойдаланиш ҳуқуқига фақат Бошқарув Раиси, Комплаенс назорат департаменти ва ишчи гурӯҳл аъзолари (мазкур ишчи гурӯҳ аъзоси иштирок этган текширувлар бўйича) эга.

53. Ўз лавозим вазифаларини бажариш учун ўтказилган Хизмат текширувлари ҳақидаги ахборотдан фойдаланиши зарур бўлган ходимлар, ушбу ахборотдан фойдаланиши учун банк Бошқарув Раиси ёки филиаллари раҳбарларининг ёзма розилигини олиши лозим.

54. Хизмат текширувига оид материаллар ишчи гурӯҳ раҳбари томонидан алоҳида йигмажилдга ракамланган ва тикилган ҳолда Комплаенс назорат департаменти ва Ходимлар билан ишлаш департаментига топширилади.

55. Банкнинг Комплаенс назорат департаменти, филиаллардаги ушбу вазифа юкланган бўлинмалар мазкур Регламентга З-иловага мувофиқ шаклда Хизмат текширувлари электрон реестрини юритилишини таъминлайди. Ҳудудий ва таркибий бўлинмалар ўтказилган Хизмат текширувлари электрон реестрини ҳар чорақда Комплаенс назорат департаментига тақдим этишлари шарт.

56. Хизмат текширувига оид барча хужжатлар, агар бошқача тартиб Ўзбекистон Республикаси қонунчилигига кўзда тутилмаган бўлса, тасдиқланган вақтдан бошлаб 10 (ўн) йил давомида сақланиши лозим.

Киритилди:

**Комплаенс назорат департаменти
директори в.б.**

М.Д.Мирзаев

Келишилди:

**Бошқарув Раисининг
биринчи ўринbosари**

А.Т.Ташев

**Бошқарув Раиси
ўринbosари**

С.Т.Калдибоев

**Бошқарув Раиси
ўринbosари**

Д.А.Рустамов

**Бошқарув Раиси
ўринbosари**

Дж.А.Ташкулов

Бухгалтерия ҳисоби ва
молиявий ҳисобот
департаменти директори в.б.

Т.Х.Ахмедов

Газначилик ва қимматли
қоғозлар департаменти директори в.б.

И.З.Қутбиддинов

Ходимлар билан ишлаш
департаменти директори

Ш.А.Ибрагимова

Юридик департаменти
директори

Б.Н.Арипов

Ички аудит департаменти
директори в.б.

Ү.И.Тангиров

Банк аппарати раҳбари

Ш.М.Хамраев

Кредитлаш департаменти
директори в.в.б

У.Н.Үтанов

Инвеститция фаолиятини
мувофиқлаштириш ва лойихаларни
бошқариш маркази директори в.б.

А.А.Муazzамов

Банк рискларини бошқариш
департаменти директори в.б.

Ш.Э.Бозоров

Ташқи иқтисодий фаолият
департаменти директори

Б.У.Ахмедов

Ахборот технологиялари
департаменти директори

Б.Н.Деканов

Банкни стратегик
ривожлантириш ва маркетинг
департаменти директори

Ф.А.Рўзикулова

Чакана хизматлар кўрсатиш
департаменти директори

Р.Ш.Файзиев

Банк хавфсизлиги ва ахборотларни
муҳофаза қилиш бошқармаси
бошлиғи

Н.И.Тангнибердиев

Лойиҳаларни бошқариш
офиси раҳбари

Ишлар бошқармаси бошлиғи

Ф.А.Исмаилов

А.А.Шаққұлов

“Туронбанк” АТБ бош банк ва филиаллари
ходимларининг коррупциявий хатти-харакатлари ва
одоб-аҳлоқ қоидаларини бузиш ҳолатлари устидан
хизмат текширувлари ўтказиш бўйича Регламентга 1-
илова

ДАЛОЛОТНОМА

«___» 20__ й.

Биз, куйида имзо қўювчилар

(ФИШ, лавозими)

(ФИШ, лавозими)

(ФИШ, лавозими)

Ходим (ФИШ, лавозими) 20—йилнинг «--»да

,дан иборат бўлган
коидабузарлик содир этилганлиги тўғрисида ёзма тушунтириш бериш таклиф этилган бўлиб, у ёзма
тушунтириш беришни рад этгани тўғрисида ушбу актни туздик.

Ёзма тушунтириш беришни рад этганлиги сабабларини ходим (ФИШ, лавозими) қўйидагилар
 билан изоҳлади

(тушунтириш беришни
рад этганлик сабаблари эркин шаклда баён этилсин).

Далолотнома тузган шахслар имзоси:

(имзо)	(ФИШ)
(имзо)	(ФИШ)
(имзо)	(ФИШ)

Далолотнома билан танишдим*: (ФИШ, лавозим, сана, имзо) _____

* Далолотномага имзо қўйишдан бош тортса, ишчи гурӯҳ раҳбари «имзолашдан бош тортди» ёзувини киритиб, ўзи
имзо қўяди.

“Туронбанк” АТБ бош банк ва филиаллари ходимларининг
коррупциявий хатти-харакатлари ва одоб-аҳлоқ қоидаларини
бузиш ҳолатлари устидан хизмат текширувлари ўтказиш
бўйича Регламентга
3-илова

Хизмат текшируви натижалари тўғрисида маълумотнома **—сон**

1. Асос: Ташкилот раҳбарининг буйруғи (сана ва рақами)

2. Ишчи гурух таркиби:

Ишчи гурух раҳбари _____
(лавозими, фамилияси, инициаллари)

Ишчи гурух аъзолари _____
(лавозими, фамилияси, инициаллари)

3. Хизмат текширувини ўтказилган муддати:

4. Текширув ўтказиши учун асослар (келиб тушган хабарнинг қисқача мазмуни): _____

5. Баён қисми (хизмат текшируvida аниқланган фактлар): _____

коидабузарлик содир бўлганми ва у нималарда ифодаланган;
коидабузарлик содир этилган жойи, вакти, усули ва қоидабузарликни содир этишнинг бошка
шароитлари;

Хизмат текшируви ўтказилаётган ходим(лар)нинг маълумотлари (ФИШ, лавозими, (тузилмавий
бўлинма номи (бошқарма, бўлим номини кўрсатган ҳолда), меҳнат шартномаси тузилган сана, ушбу
ходимга нисбатан Хизмат текшируви аввал ҳам ўтказилганми);

коидабузарликни содир этишга алоқадор бўлган шахслар доираси;

коидабузарликни содир этиш мақсадлари ва сабаблари;

коидабузарликни содир этишга туртки бўлган сабаб ва шартлар;

конкрет ходимнинг айборлигини тасдиқловчи ёки унинг айбизлигига гувоҳлик берувчи
тўпланган маълумотлар таҳлили;

Хизмат текшируви ўтказилаётган ходимнинг ўз химояси учун келтирган далиллари, уларни
текшириш натижалари.

6. Хулоса ва таклифлар:

а) хулоса қисмида:

Хизмат текшируви ўтказилган шахс(лар)нинг харакат(лар)ида (харакатсизлигида) қоидабузарлик
мавжуд ёки йўклиги тўғрисида хулоса;

коидабузарлик бўлса, талаблари бузилган Ўзбекистон Республикаси қонунчилиги ёки
Ташкилотнинг ички ҳужжатлари номи, санаси ва бузилган қоида мазмuni;

коидабузарлик содир этиш натижасида етказилган зарар характеристи ва кўлами (мавжуд бўлса);

б) таклиф қисмида

айбор шахс (лар)ни жавобгарликка тортиш бўйича таклифлар;

коидабузарлик содир этишга олиб келадиган сабаб ва шартларни бартараф қилишга қаратилган
тавсиялар;

Хизмат текшируви материалларини хукукни муҳофаза қилиш органларига тақдим этиш
зарурияти.

Ишчи гурух аъзолари имзолари:

Маълумотнома билан танишдим*:

* Маълумотномага имзо қўйишдан бош тортса, ишчи гурух раҳбари «имзолашдан бош тортди» ёзувини
киритиб, ўзи имзо қўяди.

“Туронбанк” АТБ бош банк ва филиаллари
ходимларининг коррупциявий хатти-
харакатлари ва одоб-аҳлоқ қоидаларини бузиш
холатлари устидан хизмат текширувлари
ўтказиш бўйича Регламентга
3-илова

Хизмат текширувлари электрон реестри

1	2	3	5	6	7	8	9	10	11	12	13	
1												
2												
3												
4												
5												
:												